

閒

情

偶

寄

隨情偶寄序

周禮一書。本言王道。迺上凶井  
田。軍國之大。下至酒漿。屏屨之  
細。無不纖悉具備。位置得宜。故  
曰王道本乎人情。然王莽一用

之於漢而敗。王安石再用之於  
宋而又敗者。其故何哉。蓋以莽  
與安石皆不近人情之人。用周  
禮固敗。不用周禮亦敗。周禮不  
幸爲兩人所用。用周禮之過而

非周禮之過也。蘇明允曰。凡事  
之不近人情者。鮮不爲大奸慝。  
古今來大勲業真文章。總不出  
人情之外。其在人情之外者。非  
鬼神荒忽虛誕之事。則譸張爲

刁獺之辭。其切於男女飲食。  
日用平常者。蓋已希矣。余讀李  
子笠翁閒情偶寄。而深有感也。  
昔陶元亮作閒情賦。其間爲領。  
爲帶。爲席。爲履。爲黛。爲澤。爲影。

爲燭。爲扇。爲桐。纏綿婉娈。聊一  
寄其閒情。而萬慮之存。八表之  
憇。卽於此可類推焉。今李子偶  
寄之書。事在耳目之內。思出風  
雲之表。前人所欲發而未竟。發

者。李子盡發之。今人所欲言而  
不能言者。李子盡言之。其言近。  
其旨遠。其取情多。而用物閎。謬  
乎。纏纏乎。汶者。讀之曠。僿者  
讀之通。悲者。讀之愉。拙者。讀之

巧愁者讀之。忤且舞。病者讀之。  
霍然興。此非李子偶寄之書。而  
天下雅人韻士。家弦戶誦之書  
也。吾知此書出。將不脛而走。百  
濟之使。維舟而求。雞林之賈。輦



金而購矣。而世之腐儒。猶謂李  
子不爲經國之大業。而爲破道  
之小言者。余應之曰。唯唯否否。  
昔謝文靖高臥東山。繫天下蒼  
生之望。而遊必携妓。墅則圍碁。

謝玄破賊。桓冲初憂之。郗超曰。  
玄必能破賊。吾嘗共事桓公府。  
履屐間皆得其用。是以知之。白。  
香山道風雅量。爲世所欽。而謝  
好陳結紫綃菱角。驚破霓裳羽。

衣之曲。罷刑部侍郎時。得臧獲  
之習。筦磬弦歌者。指百以歸。蘇  
文忠秉心剛正。不立異。不詭隨。  
而琴操朝雲。螭頭鵲尾。有每聞  
清歌。輒喚奈何之致。韓昌黎開

雲驅鰲師表朝廷。而每當賓客  
之會。輒出二侍女。合彈琵琶箏。  
故古今來能建大勲業。作真文  
章者。必有超世絕俗之情。磊落  
嶙嶭之韻。如文靖諸公是也。今

李子以雅澹之才。巧妙之思。經營慘淡。締造周詳。卽經國之大業。何遽不在是。而豈破道之小言也哉。往余年少馳騁。自命江左風流。選妓填詞。吹簫跼屣。曾

以一曲之狂歌。迴兩行之紅粉。  
而今老矣。不復爲矣。獨是冥心。  
高寄千載。相關深惡。王莽王安。  
石之不近人情。而獨愛陶元亮。  
之閒情作賦。讀李子之書。又未

免見獵心喜也。王右軍云。年在  
桑榆。正賴絲竹陶寫。余雖頽然  
自放。倘遇洞房綺疏。交鼓絙瑟。  
宮商迭奏。竹肉競陳。猶當支頤。  
鄣袖。傾耳而聽之。

晉

康熙辛亥立秋日建鄴弟余懷  
無懷氏誤



閒情偶寄總目

詞曲部

一卷至三卷。雖言詞曲，實與各種文體相關。言小寓大，在在皆然，不獨于此。

結構第一

詞采第二

音律第三

賓白第四

科譚第五

格局第六

填詞餘論

演習部 四卷至五卷

選劇第一

變調第二

授曲第三

教白第四

脫套第五

聲容部 六卷至七卷

選姿第一

修容第二

治服第三

習技第四

居室部 人卷至九卷

房舍第一

窓欄第二

墻壁第三

聯匾第四

器玩部 十卷至十一卷

制度第一

位置第二

飲饌部 十二卷

蔬食第一

穀食第二

肉食第三

種植部 十三卷至十四卷

木本第一

藤本第二

草本第三

衆卉第四

竹木第五

頤養部 十五卷至十六卷

行樂第一

止憂第二

調飲饌第三

節色慾第四

却病第五

療病第六

凡例七則

四期  
三戒

一期點綴太平

聖王當陽力崇文教

廟堂旣陳詩賦。草野合奏風謠。所謂上行而下效也。武士之戈矛。文人之筆墨。廼治亂均需之物。亂則以之削平。反側治則以之點綴太平。方今海甸澄清。太平有象。正文人點綴之秋也。故于暇日。抽毫以代康衢鼓腹。所言八事。雙一事不

新所著萬言。無一言稍故者。以鼎新之盛世。應  
有一二未睹之事。未聞之言。以擴耳目。猶之美。  
厦告成。非殘朱剩碧所能塗飾。棖楹者也。草莽  
微臣。敢辭粉藻之力。

一期崇尚儉朴

創立新制。最忌導人以奢。奢則貧者難行。而使  
富貴之家。日流于侈。是敗壞風俗之書。非扶持  
名教之書也。是集惟演習聲容二種。爲顯者聞。

情之事欲儉不能。焚亦節去靡費之半。其餘如  
居室器玩飲饌種植願養諸部皆寓節儉于制  
度之中。黜奢靡于繩墨之外。富有天下者可行。  
貧無卓錫者亦可行。蓋緣身處極貧之地。知物  
力之最艱。謬謂天下之貧皆同于我。我所欲。  
勿施于人。故不覺其言之似吝也。焚靡蕩世風。  
或反因之有裨。

一期規正風俗



風俗之靡。日甚一日。究其日甚之故。則以喜新而尙異也。新異不詭于法。但須新之有道。異之有方。有道有方。總期不失情理之正。以索隱行怪之俗。而責其全返中庸。必不得之數也。不若以有道之新。易無道之新。以有方之異。變無方之異。庶彼樂于從事。而吾點綴太平之念。爲不虛矣。是集所載。皆極新極異之談。然無一不軌于正道。其可告無罪于世者此耳。

一期警惕人心

風俗之靡。猶于人心之壞。正俗必先正心。然近  
日人情。喜讀閒書。畏聽莊論。有心勸世者。正告  
則不足。旁引曲譬。則有餘。是集也。純以勸懲爲  
心。而又不標勸懲之目。名曰閒情偶寄者。慮人  
目爲莊論而避之也。勸懲之語。下半居多。前數  
帙俱談風雅。正論不載于始。而麗于終者。冀人  
由雅及莊。漸入漸深。而不覺其可畏也。勸懲之

意絕不明言。或假草木昆蟲之微。或借活命養生之大。以寓之者。卽所謂正告不足。旁引曲譬。則有餘也。實具婆心。非同客語。正太奇士。當共諒之。

戒剽竊陳言

不佞半世操觚。不攘他人一字。竊疎自媿者。有之。誕妄貽訛者。有之。至于勦窠襲臼。嚼前人唾餘。而謬謂舌花新發者。則不特自信其無。而海

內名賢亦盡知其不屑有也。然從前雜刻新則  
新矣。猶是一歲一生之草。非百年一伐之木。草  
之青也可愛。枯則可焚。木卽不堪爲棟。爲梁。爰  
欲刈而薪之。則人有不忍于心者矣。故知是集  
也者。其初出則爲乍生之草。卽其旣陳旣腐。猶  
可比于不忍爲薪之木。以其可斲可雕而適于  
用也。以較鄴架名編。則不足以角奚囊舊著。則  
有餘閱。是編者請由始迄終。驗其是新是舊。如

覓得一語爲他書所現載。人口所旣言者。則作者非他。卽武庫之穿窬。詞塲之大盜也。

一戒網羅舊集

數十年來。述作名家。皆有著書捷徑。以隻字片言之少。可釀爲連篇累牘之繁。如有連篇累牘之繁。卽可變爲汗牛充棟之富。何也。以其製作新言。綴于簡首。隨集古今名論。附而益之。如說天文。卽纂天文所有諸往事。及前人所作諸詞。

賦以實之。地理亦參。人物鳥獸草木諸類盡參。作而兼之以述。有事半功倍之能。眞良法也。鄧見則謂著則成。著述則成。述不應首鼠二端。寧捉襟肘以露貧。不借裘馬以彰富。有則還吾故有。無則安其本。無不載舊本之一言。以補新書之偶缺。不借前人之隻字。以証後事之不經。觀者于諸項之中。幸勿事事求全。言言責備。此新耳目之書。非備考核之書也。

一戒支離補奏

有怪此書立法未脩者。謂既有心作古。當使物  
物盡有成規。胡一類之中。止言數事。予應之曰。  
醫貴專門。忌其雜也。雜則有驗有不驗矣。史貴  
能缺。夏五郭公之。不增一字。不正其訛者。以示  
能缺。缺斯可信。脩則開天下後世之疑矣。使如  
子言而求諸事。皆脩一物不遺。則支離補奏之  
病。見人將疑其可疑。而併疑其可信。是使良法

不行于世。皆求全一念誤之也。予以一人而僭  
陳八事。由詞曲演習以及種植。願養雖曰多能。  
鄙事賤者之常。然猶自病其太雜。終不得比于  
專門之醫。奈何欲舉星相醫卜堪輿日者之事。  
而並責之一人乎。其人否否而退。八事之中。事  
事立法者。止有六種。至飲饌種植二部之所言  
者。不盡是法。多以評論間之。寧以支離二字立  
論。不敢以之立法者。恐誤天下之人也。然自謂



立論之長。猶勝于立法。請質之海內名公。果能  
免于支離之誦否。

湖上笠翁李漁識

開情偶寄一卷目次

詞曲部

結構第一 計七款

戒諷刺

立主腦

脫窠臼

密針線

減頭緒

戒荒唐

審虛實

詞采第二 計四款

貴顯淺

重機趣

戒浮泛

忌填塞

閒情偶寄卷之一

湖上笠翁李

漁著

屠沈心友四伯

男 將舒陶長

全訂

詞曲部

結構第一

填詞一道。文人之末技也。然能抑而爲此。猶  
覺愈于馳馬試劍。縱酒呼盧。孔子有言。不有  
博奕者乎。爲之猶賢乎已。博奕雖戲具。猶賢  
于飽食終日。無所用心。填詞雖小道。不又賢。

千博奕乎。吾謂技無大小。貴在能精。才乏纖  
洪。利于善用。能精善用。雖寸長尺短。亦可成  
名。否則才誇八斗。胸號五車。爲文僅稱點鬼  
之談。著書惟供覆瓿之用。雖多亦奚以爲。填  
詞一道。非特文人工此者。足以成名。卽前代  
帝王。亦有以本朝詞曲擅長。遂能不泯其國  
事者。品歷言之。高則誠王實甫。諸人元之名  
士也。舍與詞一無表見。使兩人不撰西廂。琵琶  
則沿至今日。誰復知其姓字。是則誠實甫

之傳琵琶西廂傳之也。湯若士明之才人也。詩文尺牘儘有可觀。而其贈炙人口者。不在尺牘詩文。而在還冤一劇。伊若士不草還冤。則當日之若士。已雖有而若無。況後代乎。是若士之傳。還冤傳之也。此人以填詞而得名者也。歷朝文字之盛。其名各有所歸。漢史唐詩宋文元曲。此世人口頭語也。漢書史記千古不磨尚矣。唐則詩人濟濟。宋有文士踰踰。宜其鼎足文壇。爲三代後之三代也。元有天

下非特政刑禮樂一無可宗。卽語言文字之  
末圖書翰墨之微亦少概見。使非崇尚詞曲。  
得琵琶西廂以及元人百種諸書傳于後代。  
則當日之元亦與五代金遼同其泯滅焉。能  
附三朝騷尾而掛學士文人之齒頰哉。此帝  
國事以填詞而得名者也。由是觀之填詞  
非末技乃與史傳詩文同源而異派者也。近  
日雅慕此道。刻欲追踪元人。配饗若士者。儘  
多而究竟作者寥寥。未聞絕唱。其爲維何止。

因詞曲一道。但有前書堪讀。並無成法可宗。  
暗室無燈。有眼皆同瞽目。無怪乎覓途不得。  
問津無人。半途而廢者居多。差毫釐而謬千  
里者。亦復不少也。嘗怪天地之間。有一種文  
字。卽有一種文字之法。脉準繩。載之于書者。  
不異耳提面命。獨于填詞製曲之事。非但略  
而未詳。亦且置之不道。揣摩其故。殆有三焉。  
一則爲此理甚難。非可言傳。止堪意會。想入  
雲霄之際。作者神竅飛越。如在夢中。不至終



篇不能返。竟收。鬼談真則易。說夢爲難。非不欲傳。不能傳也。若是則誠異。誠難。誠爲不可道矣。吾謂此等至理。皆言最上一乘。非填詞之學。節節皆如是也。豈可爲精者難言。而麤者亦置弗道乎。一則爲填詞之理。變幻不常。言當如是。又有不當如是者。如填生旦之詞。貴于莊雅。製淨丑之曲。務帶諛諧。此理之常也。乃忽遇風流放佚之生旦。反覺莊雅爲非。作迂腐不情之淨丑。轉以諛諧爲忌。諸如此

類者悉難膠柱。恐以一定之陳言。誤泥古拘  
方之作者。是以寧爲闕疑。不生蛇足。若是則  
此種變幻之理。不獨詞曲爲然。帖括詩文。皆  
若是也。豈有執死法爲文。而能見賞于人。相  
傳于後者乎。一則爲從來名士。以詩賦見重  
者。十之九以詞曲相傳者。猶不及什一。蓋千  
百人一見者也。凡有能此者。悉皆剖腹藏珠。  
務求自秘。謂此法無人授我。我豈獨肯傳人。  
使家家製曲。戶戶填詞。則無論白雪盈車。陽

吳梅村  
云真金  
不畏火  
九應此  
自必其  
金質有  
處

春徧世。淘金選王者。未必不使後來居上而。  
覺。糠粃在前。且使周郎漸出。顧曲者多。攻出。  
瑕。疵。令前人無可藏拙。是自爲后羿而教出。  
無數。逢蒙。環執干戈而害我也。不如仍做前。  
人。絨口不提之爲。是吾揣摩不傳之故。雖三。  
者並列。竊恐此意居多。以我論之。文章者。天。  
下之公器。非我之所能私。是非者。千古之定。  
評。豈人之所能創。不若出我所有。公之于人。  
收天下後世之名賢。悉爲同調。勝我者。我師。

之。仍。不。失。爲。起。予。之。高。足。類。我。者。我。友。之。亦。  
不。媿。爲。攻。玉。之。他。山。持。此。爲。心。遂。不。覺。以。生。  
平。底。裏。和。盤。托。出。併。前。人。已。傳。之。書。亦。爲。取。  
長。棄。短。別。出。瑕。瑜。使。人。知。所。從。違。而。不。爲。誦。  
讀。所。誤。知。我。罪。我。憐。我。殺。我。悉。聽。世。人。不。復。  
能。顧。其。後。矣。但。恐。我。所。言。者。自。以。爲。是。而。未。  
必。果。是。人。所。趨。者。我。以。爲。非。而。未。必。盡。非。但。  
矢。一。字。之。公。可。謝。千。秋。之。罰。噫。元。人。可。作。當。  
必。賞。予。

填詞首重音律。而予獨先結構者。以音律有書可考。其理彰明較著。自中原音韻一出。則陰陽平仄。畫有勝區。如舟行水中。車推岸上。稍知率由者。雖欲故犯而不能矣。噓餘九宮二譜一出。則葫蘆有樣。粉本昭然。前人呼梨曲爲填詞。填者布也。猶棋枰之中。畫有定格。見一格布一子。止有黑白之分。從無出入之弊。彼用韻而我叶之。彼不用韻而我縱橫流蕩之。至于引商刻羽。曼玉敲金。雖曰神而明。

陸麗京  
云此等  
妙喻惟  
心花筆  
花合而  
爲一開  
成並帶  
若能之

之匪可言喻。亦由鬼出而臻自然。蓋遵守成  
法之化境也。至于結構二字。則在引商刻羽  
之先。拈韻抽毫之始。如造物之賦形。當其精  
血初凝。胞胎未就。先爲制定全形。使點血而  
具五官百骸之勢。儼先無成局。而山頂及踵  
逐段滋生。則人之一身。當有無數斷續之痕。  
而血氣爲之中阻矣。工師之建宅亦然。基址  
初平。間架未立。先籌何處建廳。何方開戶。棟  
需何木。梁用何材。必俟成局了然。始可揮斤。

他人即

其此錄

心亦不

能爲此

口

運斧削造成一架而後再鐫一架則便于前者不便于後勢必改而就之未成先毀猶之集智道旁兼數宅之匠資不足供一廳一堂之用矣故作傳奇者不宜卒急拈毫袖手于前始能疾書于後有奇事方有奇文未有命題不佳而能出其錦心揚爲綉口者也嘗讀時髦所撰惜其慘澹經營用心良苦而不得被管絃副優孟者非審音協律之難而結構全部規模之未善也

元展成  
此論  
名不  
張打  
油塞  
界矣

詞采似屬可緩而亦置音律之前者以有才  
技之分也文詞稍勝者卽號才人音律極精  
者終爲藝士師曠止能審樂不能作樂懿年  
但能度詞不能製詞使與作樂製詞者同堂  
吾知必居末席矣事有極細而亦不可不嚴  
者此類是也

### 戒諷刺

武人之刀文士之筆皆殺人之具也刀能殺人人盡  
知之筆能殺人人則未盡知也然筆能殺人猶有或



知之者至筆之殺人較刀之殺人其快其凶更加百倍則未有能知之而明言以戒世者予請深言其故何以知之知之于刑人之際殺之與剛同是一死而輕重別焉者以殺止一力爲時不久頭落而事畢矣剛必數十百力爲時必經數刻死而不死痛而復痛未爲頭落事畢而不可得者只在久與暫之分耳然則筆之殺人其爲痛也豈止數刻而已哉竊怪傳奇一書昔人以代木鐸因愚夫愚婦識字知書者少勸使爲善誠使勿惡其道無由故設此種文詞借優人

余鑑心  
云文人  
筆舌善  
說心腸  
直欲以

說法與大衆齊聽。謂善者如此收場。不善者如此結  
果。使人知所趨避。是藥人壽世之方。收苦與災之具  
也。後世刻薄之流。以此意創行逆施。借此文報讐洩  
怨心之所喜者。處以生且之位。意之所怒者。變以淨  
丑之形。且舉千百年未聞之醜行。勾設而加于一人  
之身。使梨園習而傳之。幾爲定案。雖有孝子慈孫。不  
能改也。噫。豈千古文章止爲殺人而設。一生誦讀徒  
備行凶造孽之需乎。蒼頡造字而鬼夜哭。造物之心  
未必非逆料至此也。凡作傳奇者。先要滌去此種肺

詞作  
人上感  
思綿

長成

出遊

劇

是文

人輕薄

腸務存忠厚之心。勿爲殘毒之事。以之報恩。則可以之報怨。則不可以之勸善。懲惡。則可以之欺善。作惡。則不可。人謂琵琶一書。爲譏王四而設。因其不孝于親。故加以入贅豪門。致親餓死之事。何以知之。因琵琶二字。有四王字。冒于其上。則其寓意可知也。噫。此非君子之言。齊東野人之語也。凡作傳世之文者。必先有可以傳世之心。而後鬼神效靈。予以生花之筆。撰爲倒峽之詞。使人人贊美。百世流芬。傳非文李之傳。一念之正氣。使傳也。五經四書。左國史漢諸書。與

曹顯餘  
云盛名  
必由盛  
德千古  
至論有  
功名教  
不淺

大地山河同其不朽。試問當年作者有一不肖之人。  
輕薄之子。廁于其間乎。但觀琵琶得傳至今。則高則  
誠之爲人。必有善行。可予是以天壽其名。使不與身  
俱沒。豈殘忍刻薄之徒哉。即使當日與王四有隙。故  
以不孝加之。然則彼與蔡邕。未必有隙。何以有隙之  
人。止暗寓其姓。不明叱其名。而以未必有隙之人。反  
蒙李代桃僵之實乎。此顯而易見之事。從無一人辯  
之。創爲是說者。其不學無術可知矣。予向梓傳奇。嘗  
埒誓詞于首。其略云。加生旦以美名。原非市恩于有

託抹淨丑以花面亦屬調笑于無心。凡以點綴詞場。使不岑寂而已。但慮七情以內無境不生。六合之中何所不有。幻設一事。卽有一事之偶同。喬命一名。卽有一名之巧合焉。知不以無基之樓閣。認爲有樣之葫蘆。是用瀝血鳴神。剖心告世。倘有一毫所指。甘爲三世之瘡。卽漏顯誅。難逃陰罰。此種血忱。業已沁入梨棗。印政寰中久矣。而好事之家。猶有不盡相諒者。每觀一劇。必問所指何人。噫。如其盡有所指。則誓詞之設。已經二十餘年。上帝有赫。實式臨之。胡不降之。

以罰。茲以身後之事。且置勿論。論其現在者。年將六十。卽旦夕就木。不爲歿矣。向憂伯道之憂。今且五其男。二其女。孕而未誕。誕而待孕者。尚不一其人。雖盡屬景升豚犬。然得此以慰桑榆。不憂窮民之無告矣。年雖邁而筋力未衰。涉水登山。少年塲。往往追予。弗及。貌雖癯而精血未耗。尋花覓柳。兒女事。猶然自覺。情長所患在貧。貧也。非病也。所少在貴。貴豈人人可待致乎。是造物之憫予。亦云至矣。非憫其才。非憫其德。獨其方寸之無他也。生平所著之書。雖無裨于人。

心世道。若止論等身。幾與曹交食粟之軀等。其高下。使其間稍伏機心。略藏七首。造物且誅之。奪之不服。肯容自作孽者老而不死。猶得徜徉自肆于筆墨之林哉。吾于發端之始。卽以諷刺戒人。且若囂囂自鳴得意者。非敢故作夜郎竊恐詞人不究立言初意。謬信琵琶王四之說。因謬成真。誰無恩怨。誰乏牢騷。悉以填詞洩憤。是此一書者。非闡明詞學之書。乃教人行險播惡之書也。上帝討無禮。予其首誅乎。現身說法。蓋爲此耳。

## 立主腦

古人作文一篇。定有一篇之主腦。主腦非他。卽作者立言之本意也。傳奇亦然。一本戲中。有無數人名。究竟俱屬陪賓。原其初心。止爲一人而設。卽此一人之身。自始至終。離合悲歡。中具無限情由。無窮關目。究竟俱屬衍文。原其初心。又止爲一事而設。此一人一事。卽作傳奇之主腦也。然必此一人一事。果然奇特。實在可傳。而後傳之。則不媿傳奇之目。而其人其事。與作者姓名。皆千古矣。如一部琵琶。止爲蔡伯喈一



人而蔡伯喈一人又止爲重婚牛府一事其餘枝節皆從此一事而生二親之遭囚五娘之盡孝拐兒之騙財匿書張太公之踈財仗義皆由于此是重婚牛府四字卽作琵琶記之主腦也一部西廂止爲張君瑞一人而張君瑞一人又止爲白馬解圍一事其餘枝節皆從此一事而生夫人之許婚張生之望配紅娘之勇于作合鶯鶯之敢于失身與鄭恒之力爭原配而不得皆由于此是白馬解圍四字卽作西廂記之主腦也餘劇皆然不能悉指後人作傳奇但知爲

主在車

六金劍

月入夢

心術圖

一人而作不知爲一事而作盡此一人所行之事逐節鋪陳有如散金碎玉以作零薀則可謂之全本則爲斷線之珠無梁之屋作者茫然無緒觀者寂然無聲無怪乎有識梨園望之而却走也此語未經從破故犯者孔多而今而後吾知鮮矣

脫窠曰

人惟求舊物惟求新新也者天下事物之美稱也而文章一道較之他物尤加倍焉憂憂乎陳言務去求新之謂也至于填詞一道較之詩賦古文又加倍焉

左車云

第

不之

言自湯

之盤銘

所來修

身作文

同是一

理

非特前人所作于今爲舊卽出我一人之手今之視  
昨亦有間焉昨已見而今未見也知未見之爲新卽  
知已見之爲舊矣古人呼劇本爲傳奇者因其事甚  
奇特未經人見而傳之是以得名可見非奇不傳新  
卽奇之別名也若此等情節業已見之戲場則千人  
共見萬人共見絕無奇矣焉用傳之是以填詞之家  
務解傳奇二字欲爲此劇先問古今院本中曾有此  
等情節與否如其未有則急急傳之否則枉費辛勤  
徒作效顰之婦東施之貌未必醒于西施止爲效顰

于人遂蒙千古之誚。使當日逆料至此。卽勸之捧心。知不屑矣。吾謂填詞之難。莫難于洗滌窠臼。而填詞之陋。亦莫陋于盜襲窠臼。吾觀近日之新劇。非新劇也。皆老僧碎補之衲。永醫士合成之湯藥。取衆劇之所有。彼割一段。此割一段。合而成之。卽是一種傳奇。但有耳所未聞之姓名。從無目不經見之事實。語云。千金之裘。非一狐之腋。以此贊時人新劇。可謂定評。但不知前人所作。又從何處集來。豈西廂以前。別有跳牆之張琪。琵琶以上。另有剪髮之趙五娘乎。若是。

則何以原本不傳而傳其抄本也。窠臼不脫難語填詞。凡我同心急宜參酌。

密針線

編戲有如縫衣。其初則以完全者剪碎。其後又以剪碎者奏成。剪碎易奏成。難奏成之工全在針線緊密。一節偶踈全篇之破綻出矣。每編一折必須前顧數折。後顧數折。顧前者欲其照映。顧後者便于埋伏。照映埋伏不止照映一人。埋伏一事。凡此劇中有名之人。關涉之事。與前此後此所說之話。節節俱要想。

到寧使想到而不用勿使有川而忽之吾觀今日之  
傳奇事事皆遜元人獨于埋伏照映處勝彼一籌非  
今人之太工以元人所長全不在此也若以針線論  
元曲之最疎者莫過于琵琶無論大關節目背謬甚  
多如子中狀元三載而家人不知身贅相府享盡榮  
華不能自遣一僕而附家報于路人趙五娘千里尋  
夫隻身無伴未審果能全節與否其誰證之諸如此  
類皆背理妨倫之甚者再取小節論之如五娘之剪  
髮乃作者自爲之當日必無其事以有疎財仗義之

開情個寄

張大公在。受人之託。必能終人之事。未有坐視不顧。而致其剪髮者也。然不剪髮。不足以見五娘之孝。以我作琵琶。剪髮一折。亦必不能少。但須回護張大公。使之自留地步。吾讀剪髮之曲。並無一字照管大公。且若有心譏刺者。據五娘云。前日婆婆沒了。虧大公周濟。如今公公又死。無錢資送。不好再去求他。只得剪髮云云。若是則剪髮一事。乃自願爲之。非時勢迫之使然也。奈何曲中云。非奴苦要孝名傳。只爲上山擒虎易。開口告人難。此二語。雖屬恒言。人人可道。獨

小泥仙

云余向

讀琵琶

曾作此

論不意

被竺翁

拈出直

堪折服

讀

經  
解  
便  
覺  
佛  
情  
則  
蘇  
復  
生  
何  
詞  
以  
辨

不○宜○出○五○娘○之○口○彼○自○不○肯○告○人○何○以○言○其○難○也○觀○  
此○二○語○不○似○懟○怨○大○公○之○詞○乎○然○此○猶○屬○背○後○私○言○  
或○可○免○于○照○顧○迨○其○哭○倒○在○地○大○公○見○之○許○送○錢○米○  
相○資○以○備○衣○衾○棺○槨○則○感○之○頌○之○當○有○不○啻○口○出○者○  
矣○奈○何○曲○中○又○云○只○恐○奴○身○死○也○兀○自○沒○人○埋○誰○還○  
你○恩○債○試○問○公○死○而○埋○者○何○人○姑○死○而○埋○者○何○人○對○  
埋○殮○公○姑○之○人○而○自○言○暴○露○將○置○大○公○于○何○地○乎○且○  
大○公○之○相○資○尚○義○也○非○圖○利○也○誰○還○恩○債○一○語○不○幾○  
抹○倒○大○公○將○一○片○熱○腸○付○之○冷○水○乎○此○等○詞○曲○幸○而○



出自元人。若出我輩。則羣口誦之。不識置身何地矣。予非敢干讐古。既爲詞曲。立言必使人知取法。若扭于世俗之見。謂事事當法元人。吾恐未得其瑜。先有其瑕。人或非之。卽舉元人藉口。烏知聖人于慮。必有一失。聖人之事。猶有不可盡法者。況其他乎。琵琶之可法者。原多。請舉所長。以蓋短。如中秋賞月。一折。同一月也。出于牛氏之口者。言言歡悅。出于伯喈之口者。字字淒涼。一座兩情。兩情一事。此其針線之最密者。瑕不掩瑜。何妨並舉其略。然傳奇一事也。其中義

理分爲三項。曲也。白也。穿插聯絡之關目也。元人所長者。止居其一。曲是也。白與關目。皆其所短。吾于元人。但守其詞中繩墨而已矣。

### 減頭緒

頭緒繁多。傳奇之大病也。荆劉拜殺。

荆敘記。劉知遠拜月亭。敘句記。

之得傳于後。止爲一線到底。並無旁見側出之情。三尺童子。觀演此劇。皆能了了于心。便便于口。以其始終無二事。貫串只一人也。後來作者。不講根源。單籌枝節。謂多一人。可增一人之事。事多則關目亦多。令

陸麗京  
云說得  
妙透下  
得學士  
無精誠  
醫國手

閱情集

觀場者如入山陰道中。人人應接不暇。殊不知戲場  
脚色止此數人。便換千百箇姓名也。只此數人裝扮  
止在上場之勤。不勤不在姓名之換。不換與其忽張  
忽李。令人莫識。從來何如。只扮數人。使之頻上頻下。  
易其事而不易其人。使觀者各暢懷來。如逢故物之  
爲愈乎。作傳奇者。能以頭緒忌繁四字。刻刻關心。則  
思路不分。文情專一。其爲詞也。如孤桐勁竹。直上無  
枝。雖難保其必傳。然已有荆劉拜殺之勢矣。

戒荒唐

心展成  
云昔人  
傳句今  
則傳怪  
於笑翁  
此論真  
斯蛟手

昔人云。畫鬼魅易。畫狗馬難。以鬼魅無形。畫之不似。  
難于稽考。狗馬爲人所習見。一筆稍乖。是人得以指。  
謫可見。事涉荒唐。卽文人藏拙之具也。而近日傳奇。  
獨工于爲此。噫。活人見鬼。其兆不祥。矧有吉事之家。  
動出魑魅魍魎爲壽乎。移風易俗。當自此始。吾謂劇。  
本非他。卽三代以後之韻藻也。殷俗尚鬼。猶不聞以。  
怪誕不經之事。被諸聲樂。奏于廟堂。矧辟謬崇真之。  
盛世乎。王道本乎人情。凡作傳奇。只當求于耳目之。  
前。不當索諸聞見之外。無論詞曲。古今文字。皆然。凡。

說人情物理者。千古相傳。凡涉荒唐怪異者。當日卽  
朽。五經四書。左國史漢。以及唐宋諸大家。何一不說  
人情。何一不關物理。及今家傳戶頌。有怪其平易而  
廢之者乎。齊諧志怪之書也。當日僅存其名。後世未  
見其實。此非平易可久。怪誕不傳之明驗歟。人謂家  
常日用之事。已被前人做盡。窮微極隱。纖芥無遺。非  
好奇也。求爲平而不可得也。予曰不然。世間奇事無  
多。常事爲多。物理易盡。人情難盡。有一日之君臣父  
子。卽有一日之忠孝節義性之所發。愈出愈奇。儘有

前人未作之事。畱之以待後人。後人猛發之心。較之  
勝于先輩者。卽就婦人女子言之。女德莫過于貞婦。  
愆無甚于妒。古來貞女守節之事。自剪髮斷臂。刺面  
毀身。以至刎頸而止矣。近日矢貞之婦。竟有刳腸剖  
腹。自塗肝腦于貴人之庭。以鳴不屈者。又有不持利  
器。談笑而終其身者。若老禪高僧之坐化者。豈非五倫  
以內。自有變化不窮之事乎。古來妒婦制夫之條。自  
罰跪戒眠。捧燈戴水。以至扑臀而止矣。近日妒悍之  
流。竟有鎖門絕食。遷怒于人。使族黨避禍難前。坐視

王安節  
近日常  
人情世  
故變以  
縣案昇  
奇刑于  
之化何  
行逆施  
其一端  
也

附錄

其死而莫之救者。又有鞭扑不加。囹圄不設。寬仁大  
度。若有刑措之風。而其夫攝于不怒之威。自遣其妾  
而歸化者。豈非閭閻以內。便有日異月新之事乎。此  
類繁多。不能枚舉。此言前人未見之事。後人見之。可  
備填詞製曲之用者也。即前人已見之事。儘有摹寫  
未盡之情。描畫不全之態。若能設身處地。伐隱攻微。  
彼泉下之人。自能效靈于我。授以生花之筆。假以蘊  
綉之腸。製為雜劇。使人但賞極新極艷之詞。而竟忘  
其為極腐極陳之事者。此為最上一乘。予竊志焉而

未之逮也

審虛實

傳奇所用之事。或古或今。有虛有實。隨人拈取。古者  
書籍所載。古人現成之事也。今者耳目傳聞。當時僅  
見之事也。實者就事敷陳。不假造作。有根有據之謂  
也。虛者空中樓閣。隨意構成。無影無形之謂也。人謂  
古事多實。近事多虛。予曰不然。傳奇無實大半皆寓  
言耳。欲勸人爲孝。則舉一孝子出名。但有一行可紀。  
則不必盡有其事。凡屬孝親所應有者。悉取而加之。



亦猶紂之不善不如是之甚也。一居下流天下之惡皆歸焉。其餘表忠表節與種種勸人爲善之劇率同于此。若謂古事皆實則西廂琵琶推爲曲中之祖。鶯鶯果嫁君瑞乎。蔡邕之饑烹其親。五娘之幹蠱其夫。見于何書。果有實據乎。孟子云盡信書不如無書。蓋指武成而言也。經史且然。別雜劇乎。凡閱傳奇而必考其事從何來。人居何地者。皆說夢之痴人。可以不答者也。然作者秉筆又不宜盡作是觀。若紀目前之事無所考究。則非特事跡可以幻生。并其人之姓名。

亦可以憑空捏造。是謂虛則虛到底也。若用往事爲題。以一古人出名。則滿場脚色。皆用古人。捏一姓名。不得其所行之事。又必本于載籍。班班可考。創一事實。不得非用古人姓字。爲難使與滿場脚色同時共事之爲難也。非查古人事實爲難。使與本等情由貫串合一之爲難也。予既謂傳奇無實大半寓言。何以又云姓名事實必須有本。要知古人填古事。易今人填古事。難。古人填古事。猶之今人填今事。非其不慮人考。無可考也。傳至于今。則其人其事。觀者爛熟。

于胸中欺之不得。罔之不能。所以必求可據。是謂實。則實到底也。若用一二古人作主。因無陪客。幻設姓名以代之。則虛不似虛。實不成實。詞家之醜態也。切忌犯之。

詞采第二

曲與詩餘同是一種文字。古今刻本中詩餘能佳而曲不能盡佳者。詩餘可選而曲不可選也。詩餘最短。每篇不過數十字。作者雖多。入選者不多。棄短取長。是以但見其美。曲文最長。每折必須數曲。每部必須數十折。非八斗長才。不能始終如一。微疵偶見者。有之。瑕瑜並陳者。有之。尚有踴躍于前。懈弛于後。不得已而爲狗尾貂續者。亦有之。演者觀者。旣

有此曲只得取其所長恕其所短首尾並錄  
無一部而刪去數折止存數折一齣而抹去  
數曲止存數曲之理此戲曲不能盡佳有爲  
數折可取而挈帶全篇一曲可取而挈帶全  
折使瓦釜與金石齊鳴者職是故也予謂旣  
工此道當如畫士之傳真閨女之刺綉一筆  
稍差便慮神情不似一針偶缺卽防花鳥變  
形使全部傳奇之曲得似詩餘選本如花間  
草堂諸集首首有可珍之句句句有可寶之

字則不媿填詞之名無論必傳卽傳之千萬  
年亦非微待而得者矣吾千古曲之中取其  
全本不懈多瑜鮮瑕者惟西廂能之琵琶則  
如漢高用兵勝敗不一其得一勝而王者命  
也非戰之力也荆劉拜殺之傳則全賴音律  
文章一道置之不論可矣

### 貴顯淺

曲文之詞采與詩文之詞采非但不同且要判然相  
反何也詩文之詞采貴典雅而賤麤俗宜蘊藉而忌

分明詞曲不然話則本之街談巷議事則取其直說  
明言凡讀傳奇而有令人費解或初閱不見其佳深  
思而後得其意之所在者便非絕妙好詞不問而知  
爲今曲非元曲也元人非不讀書而所製之曲絕無  
一毫書本氣以其有書而不用非常用而無書也後  
人之曲則滿紙皆書矣元人非不深心而所填之詞  
皆覺過于淺近以其深而出之以淺非借淺以文其  
不深也後人之詞則心口皆深矣無論其他卽湯若  
士還魂一劇世以配饗元人宜也問其精華所在則

以驚夢尋夢二折對予謂二折雖佳猶是今曲非元曲也驚夢首句云裊晴絲吹來閒庭院搖漾春如線以遊絲一縷逗起情絲發端一語卽費如許深心可謂慘澹經營矣然聽歌牡丹亭者百○人○之○中○有○一○二○人○解○出○此○意○否○若○謂○製○曲○初○心○並○不○在○此○不○過○因○所○見○以○起○興○則○瞥○見○遊○絲○不○妨○直○說○何○須○曲○而○又○曲○由○晴○絲○而○說○及○春○由○春○與○晴○絲○而○悟○其○如○線○也○若○云○作○此○原○有○深○心○則○恐○索○解○人○不○易○得○矣○索○解○人○旣○不○易○得○又○何○必○奏○之○歌○筵○俾○雅○人○俗○子○同○聞○而○共○見○乎○其



餘停半晌。整花鈿。沒揣菱花偷人半面。及良辰美景。  
奈何天。賞心樂事誰家院。遍青山啼紅了杜鵑等語。  
字字俱費經營。字字皆欠明爽。此等妙語。止可作文。  
字觀不得。作傳奇觀。至如末幅。似蟲兒般蠢動。把風。  
情。揀與恨不得肉兒般團成片也。逗的箇日下胭脂。  
雨上鮮。尋夢曲云。明放着白日青天。猛教人抓不到。  
夢兒前。是這答兒。壓黃金釧。區此等曲。則去元人不。  
遠矣。而予最賞心者。不專在驚夢尋夢二折。謂其心。  
花筆蓋散見于前後各折之中。診祟曲云。看你春歸。

何處歸春睡。何曾睡。氣絲兒。怎度的。長天日。○夢去。  
知他實實誰。病來只送得箇虛虛的你。做行雲。先渴。  
倒在巫陽會。○又不是困人天氣。中酒心期。魑魘的。  
常如醉。○承尊覷。何時何日。來看這女顏回。憶女曲。  
云。地老天昏。沒處把老娘安頓。○你怎撇得下萬里。  
無兒白髮親。○賞春香。還是你舊羅裙。玩真曲云。如。  
愁欲語。只少口氣兒呵。○叫的你噴嚏似天花。唾動。  
凌波盈盈欲下。不見影兒那。此等曲。則純乎元人。置。  
之百種。前後幾不能辨。以其意深詞淺。全無一毫書。

本氣也。若論填詞家宜用之書。則無論經傳子史。以及詩賦古文。無一不當熟讀。卽道家佛氏九流百工之書。下至孩童所習千字文。百家姓。無一不在所用之中。至于形之筆端。落于紙上。則宜洗濯殆盡。亦偶有用着成語之處。點出舊事之時。妙在信手拈來。無心巧合。竟似古人。尋我並非我。覓古人。此等造詣。非可言傳。只宜多購元曲。寢食其中。自能爲其所化。而元曲之最佳者。不單在西廂琵琶二劇。而在元人百種之中。百種亦不能盡佳。十有一二可列高王之上。

其不致家絃戶誦出與二劇爭雄者以其是雜劇而非全本多北曲而少南音又止可被諸管絃不便奏之場上今時所重皆在彼而不在此卽欲不爲純扇之招其可得乎

### 重機趣

機趣二字填詞家必不可少機者傳奇之精神趣者傳奇之風致少此二物則如泥人土馬有生形而無生氣因作者逐句奏成遂使觀場者逐段記憶稍不留心則看到第二曲不記頭一曲是何等情形看到

余澹心  
云微妙  
語從標  
嚴經中  
泰悟得  
來

閒情偶寄  
第二折。不知第三折。要作何勾當。是心口徒勞耳。目俱湮。何必以此自苦。而復苦百千萬億之人哉。故填詞之中。勿使有斷續痕。勿使有道學氣。所謂無斷續痕者。非止一齡接一齡。一人頂一人。務使承上接下。血脈相通。卽于情事。截然絕不相關之處。亦有連環細筭。伏于其中。看到後來。方知其妙。如藕手未切之時。先長暗絲。以待絲于絡成之後。纔知作藕之清。此言核之不可少也。所謂無道學氣者。非但風流跌宕之曲。花前月下之情。當以板腐爲戒。卽談忠孝節義。

紫仙云  
是湯許  
與傳借

與說悲苦哀怨之情亦常抑聖爲狂寓哭于笑如王  
陽明之講道學則得詞中三昧矣陽明登壇講學反  
覆辨說良知二字一愚人訊之曰請問良知這件東  
西還是白的還是黑的陽明曰也不白也不黑只是  
一點帶赤的便是良知了照此法填詞則離合悲歡  
嘻笑怒罵無一語一字不帶機趣而行矣予又謂填  
詞種子要在性中帶來性中無此做殺不佳人問性  
之有無何從辨識予曰不難觀其說話行文卽知之  
矣說話不迂腐十句之中定有一二句超脫行文不

此開卷  
五翁之  
丁癸  
丁癸

板實一篇之內。但有一二段空靈。此卽可以填詞之  
人。也不則另尋別計。不當以有用精神。費之無益之  
地。噫。性中帶來一語。事事皆然。不獨填詞一節。凡作  
詩。文。書。畫。飲。酒。關。棋。與。百。工。技。藝。之。事。無。一。不。具。風  
格。無。一。不。本。天。授。而。後。能。者。畢。竟。是。半。路。出。家。止  
可。冒。齋。飯。喫。不。能。成。佛。作。祖。也。

戒浮泛

詞貴顯淺之說。前已道之詳矣。然一味顯淺而不知  
分別。則將日流粗俗。求爲文人之筆。而不可得矣。元

曲多犯此病。乃矯艱深隱晦之弊。而過焉者也。極粗極俗之語。未嘗不入填詞。但宜從脚色起見。如在花面口中。則惟恐不粗不俗。一涉生旦之曲。便宜斟酌。其詞無論生爲衣冠仕宦。旦爲小姐夫人。出言吐詞。當有雋雅春容之度。即使生爲僕從。旦作梅香。亦須擇言而發。不與淨丑同聲。以生旦有生旦之體。淨丑有淨丑之腔。故也。元人不察。多混用之。觀幽閨記之陀滿興福。乃小生脚色。初屈後伸之人也。其避兵曲云。遙觀巡捕卒。都是棒和鎗。此花面口吻。非小生曲。



也。均是常談俗語。有當用于此者。有當用于彼者。又有極粗極俗之語。止更一二字。或增減一二字。便成絕新絕雅之文者。神而明之。只在一熟。當存其說。以俟其人。

填詞義理無窮。該何人。肖何人。議某事。切某事。文章頭緒之最繁者。莫填詞若矣。予謂總其大綱。則不出情景二字。景書所睹。情發欲言。情自中生。景由外得。二者難易之分。判如霄壤。以情乃一人之情。說張三要。係張三。難通融于李四。景乃衆人之景。寫春夏。盡

是春夏止分別于秋冬。善填詞者當爲所難。勿趨其  
易。批點傳奇者每遇遊山玩水賞月觀花等曲。見其  
止書所見不及中情者。有十分佳處。只好算得五分。  
以風雲月露之詞。工者儘多。不從此劇始也。善詠物  
者。妙在卽景生情。如前所云琵琶賞月四曲。同一月  
也。牛氏有牛氏之月。伯喈有伯喈之月。所言者月。所  
寓者心。牛氏所說之月。可移一句于伯喈。伯喈所說  
之月。可挪一字于牛氏乎。夫妻二人之語。猶不可挪。  
移。混用。洩他人乎。人謂此等妙曲。工者有幾。強人以

所不能是塞填詞之路也。予曰不然。作文之事。貴于專。一專則生巧。散乃入愚。專則易于奏工。散者難于責效。百工居肆。欲其專也。衆楚羣咻。喻其散也。舍情言景。不過圖其省力。殊不知眼前景物繁多。當從何處說起。詠花既愁遺鳥。賦月又想兼風。若使逐件鋪張。則慮事多曲。少欲以數言包括。又防事短情長。晨轉推。識已費心思。幾許何如。只就本人生發。自有欲爲之事。自有待說之情。念不旁分。妙理自出。如發科發甲之人。臆下作文。每日止能一篇。二篇。場中遂至

七篇總下之一篇二篇未必盡好而場中之七篇反能盡發所長而奪千人之幟者以其舍不旁分舍不題之外並無別題可做只得走此一條路也吾欲填詞家舍景言情非責人以難正欲其舍難就易耳

### 忌填塞

填塞之病有三多引古事叠用人名直書成句其所以致病之由亦有三借典核以明博雅假脂粉以見風姿取現成以免思索而此三病與致病之由之故則在一語一語維何曰從未經人道破一經道破

則俗語云。讀破不值半文錢。再犯此病者鮮矣。古來填詞之家。未嘗不引古事。未嘗不用人名。未嘗不書現成之句。而所引所用與所書者。則有別焉。其事不取幽深。其人不搜隱僻。其句則採街談巷議。卽有時偶涉詩書。亦係耳根聽熟之語。舌端調慣之文。雖出詩書。實與街談巷議無別者。總而言之。傳奇不比文章。文章做與讀書人看。故不怪其深。戲文做與讀書人與不讀書人同看。又與不讀書之婦人小兒同看。故貴淺不貴深。使文章之設。亦爲與讀書人不讀書

陸梯霞  
云驚人  
語三字  
剖出聖  
歎心肝  
立言之  
意端的  
如此

人及婦人小兒同看則古來聖賢所作之經傳亦只  
淺而不深如今世之爲小說矣人曰文士之作傳奇  
與著書無別假此以見其才也淺則才子何見予曰  
能于淺處見才方是文章高手施耐菴之水滸王實  
甫之西廂世人盡作戲文小說看金聖歎特標其名  
曰五才子書六才子書者其意何居蓋憤天下之小  
視其道不知爲古今來絕大文章故作此等驚人語  
以標其目噫知言哉